


沙縣志

310.57  
32  
:1-10

卷首	卷首
敘	卷之一
姓	方輿志
氏	表紀
啟	
	荷目錄圖



重修沙縣志敘



誌史類也古者天子命太史採  
風以辨俗又設爲外史掌邦國  
之志志之名自此昉乎是故列  
國各有史編年紀月載事記言  
以上于王朝所以寓褒貶示勸

沙縣志敘

懲也春秋時若魯之丘明晉之  
董狐楚之左史倚相尙矣自秦  
易封建爲郡縣列國之史遂廢  
蕭相國何入咸陽箚收圖籍知  
天下阨塞戶口多寡強弱之勢  
佐沛公定天下非第一要策哉

然乃公以馬上得之安事詩書  
至武帝特隆太史之職故太史  
公徧覽天下名山大川上會稽  
揆委宛石匱之藏而後史記乃  
作誌之體於焉其後自郡而省  
而天下莫不有誌而必自一邑

始沙邨故會稽郡屬也地分百  
里足當侯封沿革靡常至唐始  
設爲縣自鄧靈衛曹參軍遷治  
後科名鵲起理學振興人文大  
業炳耀天壤陳忠肅羅文質若  
而人其最著也烏可以無誌奈

宋元舊誌闕矣無傳至明嘉靖  
丙申一輯之乙巳再輯之萬曆  
辛卯合先後誌而增刪之五十  
年內板經三易而誌畧備顧迄  
今又百十餘年矣其間水火頻  
仍滄桑再易凋殘剝復殆無虛

日令斯土者詎乏其人顧賢者  
以官爲傳舍而不暇修否則視  
爲具文而不必修否則力詘時  
艱而不能修舊文遺獻與歲月  
俱逝消磨殆盡安所得誌而考  
之夫治必有因師心自用昔人

所戒誌非治之因乎設欲凭虛  
臆造則妄槩從闕文則畧事與  
文斷續無序則亂昔左氏據有  
魯史猶不能無失之誣馬遷不  
得世本國策諸書紕繆又不知  
何如也余何人斯敢任修明之

重顧叨膺

簡命出宰名區不師成憲奚以觀摩  
不据舊章奚以考證余方以從  
前之失修爲闕典至今而復因  
循不舉委之草莽焉知後之視  
今不猶今之視昔乎矧夫

聖主當陽文治駸駸乎日盛

特命元老大儒編纂一統志又以千  
金之裘非一狐之腋迺

詔直省各修其郡邑誌

綸音渙發維有歷年沙陽當聞之上  
游迄無成書上之

沙縣誌敘

五

各憲以備

史館之採擇信乎職修者之難其  
人也爰是不揣固陋竊效搜羅  
徵典文訪遺逸諮縉紳揚貞節  
本辛卯舊志續而訂之畧爲損  
益計時一載有餘以補百十餘

年之闕卷分十二正位辨方體  
國經野乃志方輿高下異形廣  
狹異勢乃志疆域流峙凝瀆險  
阻設焉乃志山川築城作邑建  
宇成梁毋燕雀是處惟陰雨是  
防乃志經政登耗有數惟正有

供洪範必先八政九功終以厚  
生乃志田賦旣富方穀膠庠聿  
興崇儒重道作育羣英乃志學  
校治陽維禮治陰維祀昭事維  
貞饗于德馨乃志祀典敢告司  
牧詎縻爾祿惟靖其是勗乃志

官師飭躬明經登諸大廷爲國  
之禎匪曰謀身乃志選舉處爲  
儒英出爲名卿式表先覺以淑  
爾後生乃志人物齊諧則怪循  
蜚則遠湯棘間則誕山海經則  
異乃志雜述君子之志見于言

而司籍賴以傳陳詩觀風王政  
所先乃志藝文嗚呼是役也詎  
爲好勞聊取以自鏡云爾沙人  
士其罪我乎儻世有作史之長  
網羅著述則豸山史水之書雖  
僻壤荒陬未足以當大觀卽作

會稽之闕史可也若夫正其誤  
譌芟其煩庸俾不至等于稗官  
野史之棄置而弗錄則恃有  
當代鉅公與後起君子之筆削  
在余尙何言

皆

沙縣誌敘

八

大清康熙四十年歲次辛巳冬十月  
文林郎知沙縣事昭潭林采撰



誌序

邑之有誌猶國之有史也考周禮太史有五官以掌邦國萬民之志至漢武仍其制令天下計書先上太史副及丞相俾政治之污隆得考覈焉由此觀之誌之有關於風教而非可久曠不修者也我

皇上御極四海永清爰命各省直修其地之志而上之於

誌序

朝竊沙自文始祖光布公遷治以來雖云蕞爾載在鴻圖然由嘉靖萬曆編輯後閱今百餘載于中缺畧往者未悉來者莫續生長斯土忍令其湮沒無傳乎文以後進欲復覩修廢曠舉竊附邑乘之末者久矣幸逢

林侯以昭潭調鼎之才奏虬水鳴琴之治下車四載善政多端而尤勤訪邑誌上不負

聖天子旁求下不違邑士人月旦徵文攷獻索  
隱探微而提綱分目悉準諸經史其間方  
輿之險易從地災異之徵應從天風俗之  
淳厚從人以及學校祀典所廢置名卿學  
士所著述靡不備晰而于戶口田賦與夫  
涖斯邑產斯邑之流風懿行務令前之漏  
者補訂之後之逸者增入之辭之淺拙者  
改竄之理之舛錯者刪定之噫可謂良誌

誌序

二

矣可以俟後世上之

史館矣讀是編者見風土之異宐古今之異  
尚因俗而理教化大張安在一邑之不可  
通於天下耶行見

召對

彤廷纂修

國史以勸

一代同文之治則是編又可爲將來之先聲

不獨一邑之乘言也是爲序  
皆

康熙辛巳秋九月吉日

賜同進士出身邑人鄧文修撰



誌序

重修姓氏

總裁

延平府知府甬東范光陽

通判清苑曹允升

掌修

沙縣知縣昭潭林采

同修

沙縣縣丞蕭然周起泰

儒學教諭

沙縣誌

姓氏

四

訓導溫陵陳炳

癸丑進士邑人鄧文修

黃鼎

己卯舉人邑人

陳與謙

訂正

邑恩貢生高飛

邑歲貢生黃士尊

邑廩生丘中梧

纂集

邑監生樂成

邑監生余元楨

邑廩生羅名楫

邑增生吳振麟

邑庠生鄧楫五

邑庠生陳象瀚

府庠生羅偉

同按

邑庠生鄧延

沙縣志

姓氏

五

徐人驥 謝家樹

廖朝璋 羅儁

江夢筆

膏刊

沙縣典史楊繼震

北鄉寨巡檢許繼灝

和仁鄉約朱仁我

興義鄉約俞興公

龔德衍刊

嘉靖丙申誌序

沙啟域於晉寢盛於唐至於宋允臻其極矣文獻之徵宜有足觀者勝國一變於兵正統再變於寇灰於毒熾襲聞私識僅存綫脈而已三遲方君令沙之三年政敷化染始舉修創之典交幣於炷濫以文柄屬焉慷慨不獲迺六月七日啟局於典國寺三遲君暨判簿李君躬垂采摭復廣搜於陳樂游上舍裁正於學諭李君司訓石君張君炷又考諸往牒而不謬質諸清議而無疵然後載筆於書五奧晦朔而誌成首三表次八志終列傳

沙縣誌

舊敘

六

事有不經者別志附焉皆竊用已意準裁於經史者也表法於春秋春秋書正以冠世書時以紀年書事以著人故沿革表世宦署表年古今表人錯文以見義也志法於周典典有六曰治曰教曰禮曰政曰刑曰事職官則繫治學校文翰則繫教選舉星野則繫禮地域食貨建置則繫事地域有賦焉以出兵則繫政建置有廩焉以貯贖則繫刑貫言以示制也傳法于遷史遷史易編年爲列傳類分事覈昭實錄也誌之類爲名宦政之優劣判矣爲道學爲儒林爲文苑學之偏全別矣爲名臣

爲良吏爲仕蹟業之崇卑辨矣爲孝義爲忠烈爲隱逸  
爲烈婦爲節婦事之常變見矣婉言以示戒也夫春秋  
賞罰之大權周典帝王之治法遷史是非之懸鑑皆天  
下之事邑之志孰與協焉昔顏淵問爲邦夫子告以治  
天下之法蓋出而治民入而事君一道也故漢拜輔相  
皆自守令而遷我朝楊文貞峻位孤卿猶恨未嘗爲令  
由是推之斯志也雖典籍於沙振綱通會足以網絡天  
下而不遺不超乘事綴言徒資睽矚焉爾矣三遲君政  
人之功於斯爲大炷也庸學謏識何足與焉

沙縣誌

舊敘

七

明嘉靖丙申冬十月望日括蒼椒山子葉炷識

後序

周有小史外史掌邦國四方之志所以待王稽古詔地  
事以知地俗法甚備也秦析而郡縣之官遂以廢自是  
郡國之沿革也登耗也人物風俗也志之者往往絕之  
邇之彙之是非不一而古意或離其可傳乎哉沙志曠  
百餘年矣文獻莫稽責紀載者艱焉司牧氏亦以弗勝  
慮嘉靖丙申番禺方侯廼屬其事于淞椒山葉君年鼎  
葉君弗克讓遂旁詢傳考裁成義類而又各爲表爲志

爲論爲傳爲發之其詞易其事覈其體正其目疏婉而  
多慨直而不激正而不迂通而有則蓋自建置以迄人  
物凡若干卷無纖悉遺真足追諸古而上下之亦良志  
也事峻方侯俾繫言于末予惟志之係于治大矣非知  
要者則末務之方侯蒞政之明年政通人和首舉是典  
不惟可以徵侯之賢而後之官之者以圖志觀域易聞  
見焉星土觀野動靜具焉井邑觀民康阜基焉禮讓觀  
俗道德一焉保息觀政肥瘠章焉愛養觀疾苦勞逸行  
焉於五行也而審之於五用也而制之於上下也而和

之於學校也思所以興之於祀典也思所以隆之於選  
舉也思所以公之於人物之或才或否也思所以賢之  
不肖之因言徵善因善考實因實責成則是書之作其  
特小補乎哉用爲之敘觀者其永念焉毋徒日是故事  
焉耳

嘉靖丁酉正月望國子監典籍前掌邑教李邦光書